

Uzbek - Хотинла - Wives Scriptures

Ҳфесликларга 5:22-24 Эй, хотинлар, сиз Раббимиз Исога қандай бўйсунсангиз, эрларингизга ҳам шундай бўйсунинглар. 23 Масих имонлилар жамоатининг боши бўлгани каби, эр ҳам хотиннинг бошидир. Масих Ўз танаси бўлган жамоатнинг Нажоткоридир. 24 Жамоат Масихга қандай тобе бўлса, хотинлар ҳам ҳар жиҳатдан ўз эрларига шундай тобе бўлишлари керак.

Ҳфесликларга 5:31,33 Муқаддас Битикларда шундай ёзилган: “Шунинг учун эркак киши ота–онасидан бўлак чиқиб, хотинига боғланиб қолади, иккаласи бир тан бўладилар.” 33 Хулласи калом, ҳар бир эр ўз хотинини ўзини севгандай севсин. Хотин ҳам эрини ҳурмат қилсин.

1 Коринфликларга 7:3 Эр ўз хотинига нисбатан ва хотин ўз эрига нисбатан эр-хотинлик вазифасини бажо келтирсин.

1 Коринфликларга 7:34 Унинг фикри иккига бўлинган. Ҳозир эрсиз бўлган аёллар ва эрга тегмаган қизларнинг ҳам ташвиши Раббимизнинг ишлари билан машғул бўлишдир, уларнинг мақсади ҳам жисмонан, ҳам руҳан Раббимизга бағишланишдир. Эрга теккан аёл эса эрини мамнун қилиш ниятида дунёвий ишлар ҳақида қайғуради.

Колосаликларга 3:18 Эй хотинлар, эрингизга итоатли бўлинглар. Шундай қилиш Раббимиз Исонинг издошларига муносибдир.

1 Тимўтийга 2:11-15 Таълим берилаётганда хотинлар сукут сақласин, муаллимнинг гапини икки қилмасин. 12 Хотин эркакка таълим беришига ва унинг устидан ҳукмронлик қилишига рухсат бермайман. Хотин сукут сақласин. 13 Ахир, олдин Момо Ҳаво эмас, балки Одам Ато яратилган–ку. 14 Одам Ато эмас, хотин шайтонга алданиб, гуноҳ қилди. 15 Ўшандан буён, хотинлар туққанда лаънат туфайли дарду азоб чекадиган бўлдилар. Бироқ шунга қарамай, агар улар камтару бамаъни бўлишса, Масихга бўлган имонда собит қолиб, меҳр–оқибатли бўлиб, тақводор ҳаёт кечиришса, нажот топадилар.

Азалда 3:16 Хотинга эса шундай деди: “Ҳомиладорлигингда ғоят азоб бераман, Машаққат ила бола туғасан. Аммо эрингни қўмсайверасан, Эринг эса ҳоким бўлади сенинг устингдан.”

1 Бутрус 3:1,2 Эгамиз ҳақи–ҳурмати, сиз, хотинлар, ўз эрларингизга бўйсунинглар. Эрларингиз Хушxabарни рад этишса ҳам, уларга итоат этинглар. Сизнинг ибратли хулқ–атворингиз ҳар қандай сўздан кўра таъсирлироқ бўлади. Эрларингиз покиза ҳаётингизни ва Худодан кўрқиб яшаётганингизни кўриб, имонга келишади. 2 Эгамиз ҳақи–ҳурмати, сиз, хотинлар, ўз эрларингизга бўйсунинглар. Эрларингиз Хушxabарни рад этишса ҳам, уларга итоат этинглар. Сизнинг ибратли хулқ–атворингиз ҳар қандай сўздан кўра таъсирлироқ бўлади. Эрларингиз покиза ҳаётингизни ва Худодан кўрқиб яшаётганингизни кўриб, имонга келишади.

Титусга 2:1-5 Титус, сен соғлом таълимот асосида насиҳат қил. 2 Ёши катта эркакларга айт: улар майхўрликка берилмайдиган, ҳурматга сазовор,

вазмин, имонда мустаҳкам, меҳрибон ва сабр–тоқатли бўлсинлар. 3 Ёши катта аёлларга ҳам тайинла, улар шарафли ҳаёт кечирсинлар. Ғийбат қилмасинлар, майхўрликка ружу қўймасинлар. Ҳар қандай хайрли ишда ибрат кўрсатиб, 4 келинларга панд–насиҳат қилсинлар, уларга ўз эрлари ва фарзандларини севишни, 5 вазмин, ифбатли, рўзғорга жонкуяр, меҳрибон, эрларига бўйсунадиган бўлишни ўргатсинлар. Шунда ҳеч ким Худонинг каломини ёмонламайди.

Ҳикматлари 12:4 Яхши хотин эрининг бошидаги тожидир, эрини уялтирадиган хотин бошга балодир.

Ҳикматлари 14:1 Доно хотин ўз оиласини мустаҳкамлайди, нодон хотин эса оиласини ўзи бузади.

Ҳикматлари 19:13 Нодон ўғил отасига ташвиш, хотиннинг жанжали эса бетўхтов томадиган томчидайдир.

Ҳикматлари 21:9,19 Уришқоқ хотин билан кенг уйда умр кечиргандан кўра, чордоқда яшаган афзал. 19 Уришқоқ ва баджаҳл хотин билан яшагандан кўра, чўлу биёбонда яшаш яхшироқ.

Ҳикматлари 25:24 Кенг уйда уришқоқ хотин билан яшашдан кўра, чордоқда яшаган яхшироқ.

Ҳикматлари 27:15,16 Жанжалкаш хотин ёмғирли кунда тўхтамай томаётган чаккага ўхшайди. 16 Уни бошқариш шамолни бошқариш ёки ўнг қўл билан мойни ушлаш демақдир.

Ҳикматлари 31:10-31 Фаросатли хотинни ким топа олади? Унинг баҳоси гавҳардан ҳам баланд. 11 Эри унга юракдан ишонади, ҳеч нарсага муҳтож бўлмайди. 12 У эрига ёмонлик эмас, бир умр яхшилик қилади. 13 Жун ва сурп топади, хурсанд бўлиб ўз қўли билан ишлайди. 14 Савдо кемалари каби узоқдан нонини келтиради. 15 Қоронғуда ўрнидан туриб, уй аҳлини овқатлантиради, хизматкорларига топшириқ беради. 16 Ўйлаб дала сотиб олади, ўз қўли билан узумзор яратади. 17 Белини маҳкам боғлаб, қўлларига қувват беради. 18 Қилган ишининг роҳатини кўради, тунлари ҳам чироғи ўчмайди. 19 Қўлини чархга қўяди, бармоқлари дукни тутди. 20 Камбағалларга қўлини узатади, муҳтожларга раҳм қилади. 21 Уй аҳли учун қиш–қировдан қўрқмайди, чунки улар ҳаммаси қалин кийинтирилган. 22 Ўзи учун сўзана тикади, либоси эса кимхоб ва шойидандир. 23 Эри юрт оқсоқоллари орасида ўтиради, шаҳар дарвозасида танилган. 24 Яна шойидан кийим тикиб сотади, савдогарларга белбоғ етказиб беради. 25 Либоси — қувват, шараф, у келажакка қараб қувонади. 26 Донолик билан сўзлайди, меҳр билан насиҳат қилади. 27 Уй аҳлига яхши қарайди, дангасалик қилмайди. 28 Болалари туриб дуо қилади, эри ҳам мақтайди. 29 “Фаросатли аёллар кўп, аммо сен ҳаммасидан аълосан.” 30 Жозиба алдамчи, чирой эса ўткинчидир, аммо Худодан қўрқадиган аёл кўкка кўтарилади. 31 Меҳнатининг мевасини кўрсин, ишлари дарвозаларда уни шарафласин.